



Ji bo Federasyona Anarşîst a Ûrûgûayê:

Em wek Kongra Star silavên xwe yê şoreşgerî ji FAU (Federasyona Anarşîst a Ûrûgûayê) re dişînin û 65ê mîn salvegera têkoşîna wan pîroz dikin. Têkoşîna we ya 65 salan tê wateya 65 salên berxwedanê.

Ew hêviyê dide me wexta em bibînin ku rûxmî dîktatoriya leşkerî û pêlên mezin ên zordariyê dijwar jî FAU têkoşîna şoreşgerî berdewam dike. Em dizanin ku FAU bi gelek zehmetiyan re rû bi rû maye û endamên wan ketine zindanan û jî şehîdê jî dibînin. Her wiha we pêdiviya domandina têkoşîna xwe ya li dijî îstismar û zilma mezin da naz kir. Em berxwedana bi rûmet a ku ji destpêka mêtîngeriye ve li Ûrûgûayê tê meşandin, bi bîr tînin.

Îro hêzên moderniteya kapîtalîst li dijî hemû hêzên demokratîk ên li dijî zilm û mêtîngeriye tekoşîn dikin şerekî topyekûn dimeşînin. Yekdestdariyên mezin ên desthilatdarî û aboriyê jiyana aborî û ekolojîk a gelek civakan hilweşandiye. Gelê Ûrûgûayê, gelê Kurd û gelên din ên cîhanê rastî zilm û zordariya dijwar a hêzên navneteweyî hatine.

Ji destpêka bavîksalarî û şaristaniya kapîtalîst ku em ji hev qût nabînin, her tim dîroka şaristaniya demokratîk jî heye. Li ser vê xeta şaristaniya demokratîk gel û bi taybetî jî jinên ku herî zêde ji aliyê pergale ve tên çewisandin, li dijî wê serî rakirine. Sîstema mêtînger ku xwe gihandiye hemû qadên jiyane û ji gelek hiyerarşî û komkirina hêzê ji netewe dewletên mezin heta şaneya herî biçûk a zilmê, malbata bavîksalarî pêk tê, mi-soger dike ku tu mirovî bêbandor û bê kontrola wê nemîne.

Li dijî vê yekê tekoşîn kirin bi awayekî radîkal jî tê wateya tekoşîna dijberiya her şêwe hiyerarşî û yekdest-dariya desthilatdariyê. Em bi rêzdarî nêzî keda mezin a tekoşîn û teoriya anarşîst tekoşîna hember pîrskirina hiyerarşî û zordestiya pergala dewletparêz dibin. Ji ber vê yekê em FAU jî weke yek ji hêzên demokratîk ên ku li dijî kapîtalîzmê ku li ser bingehe baviksalarî ava bû ji bo wekhevî û demokrasiyê têdikoşîn dinirxînin. Di hemû tekoşînên azadiyê de girîng ku were zanîn ku bêtî navendkirina tekoşîna azadiya jinê ne pêkan e ku xwe bigihînin civakek wekhev. Federasyona Anarşîst dixwaze bi çalakiyên xwe li hemberî statukoya heyî alternatîfek ava bike û beşdarî tekoşînên rizgariya enternasyonalîst bûye û li Amerîkaya Latîn têkilîyên xurt ava kiriye.

Li Kurdistanê jî tevgera azadiya Kurd li dijî faşîzm, bavîksalarî û kapîtalîzmê tekoşînek ku zêdeyî 40 sal in de-wam dike, daye meşandin. Di vê tekoşînê de birêxistinîkirina saziyên jinan ên xweser roleke sereke list û hate zanîn ku koletiya jin bingeha her cureyên koletiyê e.

Avakirina rêxistina xweser ên jin îmkana ava kirina ku jin xwe azad biafirîne û di nava civakê de di tekoşîna azadiyê de bibe pêşeng. Kongra Star jî bi vê hêz û ruhê ava bû û di şoreşa jin a li Rojava û Bakur û Rojhilatê Sûriyê de rolek aktîf û girîng listiye. Îro li wir, di bin paradîgmaya konfederalîzma demokratîk de jin û hemû komên civakî û etnîkî di rêveberiya xweser de bi awayekî wekhev û xweser beşdar dibin. Di tekoşîna xwe de me naz kir ku li kêleka berxwedana leheng a hêzên leşkerî, hevîrtina navneteweyî yek ji çekên herî xurt in li dijî dewletên dagirker e.

Rastiyea ku pergale baviksalar her tim li dijî azadiyê derkevin, ji bo me tê wê wateyê ku ji bo parastina xwe pêwîstiya rêxistinbûyin heye. Berxwedan li ku tê rêxistin kirin, li ku avahiyên xweparastinê yê domdar tene avakirin bi ser dikeve. Girîng e jin di xweparastinê û pêkhatiyên din de jî bi awayekî xweser xwe bi rêxistin bikin.



Em di wê baweriyê de ne ku helwesta hêzên yekbûyî yên hêzên şoreşger ên azadîxwaz, berxwedan û rêxistinbûna wan wê sedsala 21. û pêvajoya dîroka me diyar bike.

Em di wê baweriyê de ne ku aştî û cîhanek bi edelet dê bi ser bikeve û armancên şoreşa we pêk werin. Ji ber vê yekê divê ev salên tecrûbe bibe berdewamiya berxwedanê û ruhê têkoşîna me ya hevpar a navneteweyî û hîn bilindtir bibe.

Li ser vê esasê, em 65 salên têkoşîna anarşîst, bi ruhê enternasyonalîst ku me bi hev ve girêdide, dîsa li hemû endamên FAU pêroz dîkin.

Silavên şoreşger ji Rojava
Kongra Star

Pêwendî:

womendefendrojava@protonmail.com
womendefendrojava.net



Twitter: @starrcongress & @KongraStar

Facebook: Kongra Star Diplomacy

Instagram: @WomenDefend

Youtube: Women Defend Rojava